

Al vëgn sposté dant le termo da ti mené ala redaziun les informaziuns da publiché tla Plata dla Ploania nr. 28 (05 - 12 de jügn) al mercui, 1 de jügn, cina les 20.00.

SANITÉ: le dotur Eduard Agreiter é demez en vëndres ai 3 de jügn y vëgn sostituf dala doturia Grete Mahlknecht (0474 523 018 o 349 06 67 034).

COMUN: Incö, 29 de ma, dales 7.00 ales 21.00, pón jí a lité por le referendum.

I ofizi de comun resta stluc en vëndres ai 3 de jügn.

SAN MARTIN Y LUNGIARÜ

Festa dla jonëza: da Pasca de Ma vëgnel organisé n "Fest der Jugend". Dai 4 ai 5 de jügn s'abina jogh y jones tl dom da Porsenú a cianté. workshops, festejé y pe-rié. An pó ince sté suranöt. La festa vëgn stluta jö cun na mëssa cun nosc vësko Ivo Muser. Prenotaziuns sot: www.pfingsten.at/veranstalter/brixen/, olach'an ciafa le program y dötes les info. Da odëi ince sön livestream.

"I jun en Jeunn en jöbia, ai 2 de jügn, da S. Martin dales 8.30 y da Lungiarü dales 11.00. - Deach'al n'é chisc dis nia scora, é ince i mituns invia da ji en Jeunn, tan inant ch'ai é bugn. I periun y ciantun cun fede y devoziun, se comportun indertöra y jun vistis da peregrins (nia braies cörtes). I ne ciacolun nia da jí cun crusc y s'astilun indortöra tles ostaries, botëghes, ciases che se dá alberch. Tolésse do la spaternöra! Al vëgn parti fora n liber da cianties y oraziuns" - insciö le Massá. Al foss bel sce chi a man dërta dijess dant y chi a man ciampa dijess do.

Por le curs de preparaziun ai Sacramënc organisé d'altonn dala Unité Pastoral informesse y anunziess pro Annamaria Fiung 347 5277810 cina ala fin de jügn.

La Uniun dles Ères da S. Martin invieia adöm cun la Uniun dles Ères da Lungiarü dötes les ères sön munt a gosté la sabeda ai 11 de jügn, tla Ütia de Ciampcios a Lungiarü. I s'incuntun dales 7.15 ite dal parch di auti de Pares y jun ite adöm. Le cost é de 15 euro. Prenotésse cina ai 8 de jügn dales 12.00 tel. 339 31 15 679.

SAN MARTIN

En dedolönesc, 31 de ma, dales 17.00 inant, siunse la cortina; sc'al plöi le de do.

Le Consëi de cöra á fat fora: vigni secunda domënia dl mëis sará de regola la gran mëssa por todësch y tl tēp de saison la mëssa prefestia por talian.

Ciasa de Palsa: dal 01 de jügn é i ufizi daverc al publich: Lönesc - jöbia: dales 9:00 ales 12:30 y dales 13:30 ales 16:30; vëndres: dales 9:00 ales 12:30.

La Scora de Musiga Val Badia invieia al concert de concluiun te dljia y defora le lönesc, ai 30 de ma a Al Plan dales 17.00 te dljia y dales 18.00 sön paiun.

Döt le bun a chi che complësc i agn de jügn

a San Martin Erwin Penazzi che nen complësc 80 al 1

Lois Clara che nen complësc 87 ai 15

Pasquale Schuen che nen complësc 85 ai 16

Herta Prousch Rungger che nen complësc 80 ai 17

a Lungiarü Monica Clara-Mischi che nen complësc 90 ai 13

Giovanni Mischi (Frëina) che nen complësc 84 ai 30



Plata dles Ploanies San Martin y Lungiarü

ploan siur Klaus Sottas 344 15 54 055 - ksottas@rolmail.net
curat siur Heinrich Perathoner 339 65 74 213
redaziun: anton.gasser@rolmail.net - 348 27 44 517 / 0474 523 194



www.valbadiaonline.it/comunita

29.05. - 05.06.22 nr. 27

ultimo termo por comunicaziuns: jöbia, dales 20.00

FESTA DL'ASSENZA - C

Vangele do Lūca 24, 46-53

Gejù ti ádit a sù discepui: Insciö stal tla Scritöra:

Le Messia sofriarà y ressoriarà dai morc le terzo dé,

y te so inom ti incundaran a düc i popui, scomencian te Ierusalem, che ai dess dè ota, por che sù picia vëgnes pordenà.

De chësc sëise os mi testimoni.

Y iö ves ortiarà jö sön os la scincunda che mi Pere ves à impormetü.

Romagnede tla cité, cina ch'i ne gnëis nia implis cun la forza dal alt.

Spo i àl condüt fora dlungia Betània.

Dailò àl alzè sües mans y i à benedì.

Y tratan ch'al i benedì,

i àl lascè y é gnü alzè sò cuntra cil.

Mo ëi s' à injenedlè a l'adorè.

Spo ési jüs cun gran ligrëza

derevers a Ierusalem.

Y ai ê tres tl tēpl y laldâ Idî.

Le vangelist Lūca cunta cinamai dui iadi dl'ascensiu dl Signur,

impröma ala fin de so Vangele y spo da mëte man la Storia di Apostui .

Tla storia dla Dljia él l'opera de Gejù che vá inant.

Pormó do che Gejù s'á destaché dal post concret dla ludea, sciafiel da ester presënt indlunch.

D'un n vers é le comié de Gejù n invit a nos, dl ater vers él na impormetüda:

Sciöche Dljia sunse invia da vire aladô

che döta la jënt pois sintí la presënza de Gejù.

Y sc'i sun sù testimoni podunse tigní cunt dla impormetüda dl Spirit Sant

che vëgn a nes implí cun la forza dal alt.

image



EDEMA	SAN MARTIN	LUNGIARÜ	
29.05.22 FESTA DL'ASSËNZA PALSACRUSC	9.00 Corona de ma 9.30 Gran Mëssa por la Comunité ++ siur Angel M. y siur Merch Graf. + Linda Winkler Agreiter + Paul y Loise Videsott 11.30 Bato de Tone Moling 19.30 Corona de ma sö Ju	7.50 Corona de ma 8.15 Gran Mëssa por la Comunité 15.00 Corona tla capela de S.Ojöp Fr.	 I JUN EN JEUNN I jun por le tru de nosta vita - y insciö ince en Jeunn - nia da susc, mo adöm: - Dantadöt ti junse do al sëgn dla crusc, ciaran sön Gejú Crist, che vëgn cun nos. - I jun deboriada, cun nosc compagn, cun i ëi de nosta ploania y de dōta la valada en oraziun: laldan, rengrazian y perian Idî incé un por l'ater. - I jun cun le pinsier a nüsc familiars y a nüsc vijins, vis y defunc, y a chi che nes á perié da se recordé de d'ëi. - Ince chi che é restá a cíasa periunse da s'uní cun nos tl'oraziun en chisc dis da sëra pro la corona. - I jun cun le pinsier ala Comunité de nosta Ploania, a siur ploan y a düc chi che fej n sorvisc. I periun che Idî tēgnes adöm nosta comunité tla fede, tla speranza y tl amur, y i periun ince do vocaziuns. - Liá ite tla prozesciun dles dodesc ploanies periunse por l'Unité Pastoral a Val Badia, ch'i imparunse da jí a öna y da combiné adöm i talënc, les forzes y les bunes idees di jogh, y insciö da ti dé vita a nosta fede incö y tl dagní. - I jun cun le pinsier ala Dlijia de nosta Diozeja cun nosc Vësko Ivo Muser, a chëra ch'i se liun cun chësta prozesciun, jon sön le santuar di pröms vëschí de nosc raiun. - I jun cun le pinsier ala Dlijia mondiala, ai cristians de döt le monn, che passa fora por tēmps de de gran mudaziuns y de porsecuziuns. I periun por le papa, i vëschí, i proi y dōtes les ëres y i ëi che dedichëia süa vita al vangele.
30.05.22 Lönesc <i>Otto Neururer</i>	19.30 Corona de ma a Picolin		
31.05.22 <i>Petra, Petronila, Matilda</i> Dedolönesc	19.00 Mëssa de rengraz. fam. Walter y Monica Zingerle + Sepl Trebo, Pension Tor		
01.06.22 Dedemesaledema <i>Iustin, Flor</i>		7.30 Mëssa vis y def. fam. Albert Dapoz + Costantino Mischi	
02.06.22 Jöbia <i>Marzelin, Armin</i>	7.30 Mëssa a d'intenziun + Ida Flöss Corona por vocaziuns 8.30 Prozesciun en Jeunn	11.00 Prozesciun en Jeunn (l'ordinamënt é injunté ala Plata)	
03.06.22 Pröm vëndres <i>Karl Lwanga y compagns, Oliva</i>	Domisdé: Provijiun di amará 18.30 Adoraziun chita 19.00 Mëssa + Ida Dariz + Helga Tolpeit ++ Hannele y Nando Flöss	<i>degöna mëssa</i> Danmisdé: Provijiun di amará	
04.06.22 Sabeda <i>Clotilda, Crista, Werner</i>	20.00 Mëssa prefestia de rengr. fam. Franz y Frida Planatscher de rengr. a S. Maria da Absam + Angelina Vanzí Baldissera vis y def. fam. Siegfried y Maria Zingerle	18.30 Mëssa prefestia por familia Riccardo Moling + Nando Clara + Marino Clara, Ties	
05.06.22 PASCA DE MA	9.30 Mëssa solëna por la Comunité de rengraziamënt al Spirit Sant 18.00 Ora d'adoraziun al Spirit Sant	7.50 Adoraziun - 1ª pert 8.15 Mëssa solëna por la Comunité dedô Adoraziun - 2ª pert 15.00 Corona tla capela de S.Ojöp Fr.	
La Diozeja racomana da tó inant la mascherina tratan les funziuns de dlijia. Da jí ala Comuniun pól indô gní fat döes files. Pro la detlaraziun dl davagn vëgnel bel invié da ti destiné le 8/1000 ala Dlijia catolica - al basta da sotescri. I pensioná y les atres porsones che ne fej nia la detlaraziun dl davagn é dër bel invíá da scrí impó fora i formulars por le 8/1000 por la Dlijia y le 5/1000 por na istituziun sozjala. Präibel metésse en contat cun Leo Crepaz / Christian Clara.			